



Z brakù... warków

TÓMK FÓPKA

W Wieczorze VII Kabaretu Starszych Panów, jaczi to cykel lecòł w pòlsczi telewiziji midzë 1958 a 1966 rokã, pòjawił sã warkòwi pita (chlacz). Człowiek taczì na zamówienié: broji, spiéwò, rzégò. Je akùratny w swi robòce i pòrzãdny. A do te je wiedno... trzëzwi. Ŭpic sã mòze za to szczescym, dobëcym i miłotã*.

Przészło Wama czedës zapłacëc kòmùs za cos, czegò Wa nie chca, ni mia czasu abò ni mògła zrobic? Pewno, że jo! Lédze różnë rzecze robiã lepi òd nas. Na przikłòd mòja Białka mie lepi òbstrzëze, niżlë jò bë to miòł zrobic. Lepi za mie kùpi, piéńdze wëdò. Jò je za to lepi zarobiã. Tak sobie mészlã, cobë mòzna jesz jinyma dac do robòtë? Mòze jacze nowë warczci pòwstónã? Chcemë le tej...

Czikrajk. Mò płaconé za gòdzënë. Òbzërò telewizjã, internet, towòre w krómach. Do teatru pùdze i do jiny òperë. Za dopłatã téz pòsëchò. Mùszi miec słuźbówé òkùlòrë a czikrownik na w dólã wżeranié. Ekstra dodòwk za pòzëranie pòd słuńce a òb cemnã slépcowanie.

Jojownik. Gòdò „jo, jo” i cziwie głowã z górë w dól. Baro sã przëdówò doma, czëj białka je ùzdnicã abò starka za czãsto nawiedzò chëcz. Bierzã gò do drëdzi rëdzi midzëpaństwówëch dogòdënków. Pasowny na nòukòwëch kònferecjach. Niezastãpiiony do òbslùdzi japòńszcizch delegacjów. Wëstòwiò rechùnczi, fakturë.

Drapajk. Mò pòrà zortów paznokców. Do te jesz nasòdzóné tipsë na różnë leźnoscé. Drapie tószka za ùszkã, lëżkã za lózkã, wiãze szlips i mùszkã — taczé mò reklamówé zëwiszce. Rozliczëc sã mòzna jedzenim i picym a schòwã przed gradobicy. Mòcné warkówé zwiãzczi „Drapòdzarnosc”.

Smiéchòwnik. Smieje sã za dëtczi. Leczy w kinie pòlskò kòmëdiò, co nie jidze zrozmiòc słówòw, òn jeden rzi na całą salã, a reszta... z niego. Kandidata na pòsëlca przemòwiò do eletkòratu — smiéchòwnik gòsny smiéchã wspiérò jinã partiã. Zgòdzy sã na barterowã wëmianã. Mò pòpãconé lëpë, gùbë na skarniach a kùrzé pajczy kòl òczów.

Mòdlòrzk. Òbstòwiò nowennë, adoracje, lëtanie do, msze a niedzëlne zetkania rozańcewëch różów, za chòrëch abò zgnilëch. Nie òdmòwiò òdmòwianiò rozańców za nielëdónëch ùmarilëch. Nawetk w przòdk gòdò. Pùsté nocë zafùlëje, czëj padò deszcz, snieg a do te ni ma sztròmù i znowù przegrelë

piłkarze. Rozmieje téz w mòdliwac a czasã nawetkã zmëdlëc... Przelëw, termin zapłaceniò — 2 niedzele.

Szpórownik. Zbiérò. Kòmputrowã pamiãc w terrabajtach. Stòrë òdjimczy w szëflòdach. Spadlã wòdã w beczkach a parminie z nieba w kapeluszech. Chwòtò pòlslówka, midzëslówka i sklòdò je w niewërzekłoscë. Pòdnòszò ze zemi zgùbioné wiplatë a straconé winuszczì. Przechòwie zapiëkhi gòrz a niedojadlã salòtkã ze sledza nalazlëgò w Pùckù. Bierze eùro i w nòtërze.

Spòcz. Spi, czëj je nót. Hewò nònowsze przë wżatë z òfertowi lecònczi: letczë zdrëmniãcë sã na jedno òkò — 100 zł, na dwa

òka — 250 (z pòdatkã); ùsniãcë na kòzanim — 75 zł; òbczas czërowaniò autã — 500 zł (wësoczi dodòwk tzw. szkòdlëwi); zaspanie na swój slub — 148 zł; zaspanie na swój pògrzëb — 648 zł (to zusplacy); spanie w òkùlòrach — 5zł za kòzđã dioptriogòdzënë; spanie z cëzã białkã — 100 eùro; spanie z cëzã białkã tak, żebë òna nie ùsna — 145 eùro; ùdòwanié, że sã spi z cëzã białkã — 165 eùro

(ùsluga spanie z mò téz wersjã z *chlòpã* — kask tańsza); snòdczi spik — 5 zł za gòdzënë bez przëkrëcò pierznã; spik z chrapanim do 140 decybelów — 50 zł za minutã; mòkré chlòpscze snica — 20 zł za liter; cwiardé spanie z wëwróconyma òczama — 600 zł za 12 gòdzyn; nerwòwi spik ze wstòjanim z bũksama — 15 zł òd kòzđëgò skùtecznëgò wstaniò.

Kaszlajk. Rzëpi. Ga chto òpòwiòdò szpetny szpòrt. Òbczas sejmòwi transmisje. Jak sąsòdka spiéwò w ògròdkù abò jaczi niesmialì chce co pòwiedzec swój mùlce. Na brifczy wëstraszenié. Jak kògò bòli gòrdzel a mò prawie chilawicã. Na zlecenié krëjamnëgò karna Cëchëch Kùrzajków Pipów. Na prosbã stowòrë Alergicznëch Miéwców Mòckòszerzchlatëch Kòtów a Psów. Mòzna płacëc kartã.

Sã jesz mésztownie zmùdë, bëno- i bütno- cëchi wiatropùszczòczë, szczescowi i nieszczescowi płaczcë, przedspikòwi blònorechòwnicë, tortowi dmùchajcë, procëmrazdowi dërdze i gãstolnicë, niosnicë dobrëch wiadlów, pòdchwòtiwnicë cëzëch ùdbów, autòbùsowò-elektriszowò-banowi cwiardosezdzòczë a szòstoprzëkòzaniowi spòwiòdòczë.

A tòm kòfòpkòfelietònopisòczë są...?

*Roman Dziewoński, Monika i Grzegorz Wasowscy, „Ostatni naiwni”. Leksykon Kabaretu Starszych Panów, Świat Książki 2005, s. 35.



Przészło Wama czedës zapłacëc kòmùs za cos, czegò Wa nie chca, ni mia czasu abò ni mògła zrobic? Pewno, że jo!